

續輯均州志卷之十二

列女志敘

懿哉閨壺風化之原婉孌淑慎貞靜幽嫻七誠是
遵四行維則時遇其屯克貞苦節矧茲南國自昔
風清女思山畔貞孝猶名載筆而書休揚彤管
渥典欽承幽光宏闡博搜蒼萃嚴別薰蕕竊附藜閣
傳信千秋於是遵

國家褒旌體例紀淑媛貞孝懿行志列女
節孝

續輯均州志

卷之十二

節孝

國朝

郭車氏庠生卜年妻事舅姑以孝聞夫亡時年二十
八鞠子成立順治元年值賊路應標掠均氏抱孫
走被獲正色拒罵賊白刃交加血迸倒地子民望
覓救得蘇旋徙避竹山淅川流離中仍禮葬三代
年八十八病革撫頭上創痕示子若孫曰我豈料
有今日從夫地下何恨

舊志

戴朱氏纓妻年二十一纓故無子族人頗有覬覦家
產意氏窺翁雖老猶健爲翁娶妾生夫弟紱氏撫

紱成立完婚生子成城嗣爲己子守節六十七年

卒乾隆四十二年 旌 通志

劉王氏元妻年十八適元越十載生子女各二而元
亡家貧姑患癱疾氏耐心扶持常負米母家以養
姑復乞豆斗餘貸鄰家磨作來其爲事畜計夜則
紡績聲軋軋聞里許宵深未息姑憫其苦輒相對
泣氏慰曰婦聞君子固窮苟不移其志彼昭昭者
豈負之哉後子成立家漸裕氏飲食衣服一如貧
時卒年八十有八

續輯均州志

卷之十二 節孝

二

劉張氏珍妻年十八夫故子襁褓貧無立錐爲人澣
衣易米奉舅姑自食野菜子長教之佃田耕種舅
姑得免凍餒者二十餘年苦節五十五年卒

姚李氏德清妻年二十八夫故舅早逝家赤貧氏紡
績養姑值姑病劇思肉食貧不能市氏入廚引刀
剖脇剝肝烹奉姑病旋瘳時道光十七年八月初
二日也鄉鄰上其事於州苦節五十年卒同治五

年 旌

劉曾氏庚秀妻年二十三夫故二子俱幼道光八年

繼姑病劇氏割股愈之卒年七十五歲

劉朱氏燭蔡妻年二十五夫故遺一子甫韶齡氏親課兒讀道光二十六年姑衰老久病氏割臂肉啖之姑疾遂瘳見年七十一歲

朱潘氏孔洛妻年二十九夫故無子應繼乏人家貧倚女紅度日姑衰老患癩疾氏左右扶持以飯餅奉孀姑而自啜稀粥秉性幽貞雖姻戚子弟未嘗與言至老猶謹守壺儀見年六十七歲同治五年

旌

續輯均州志

卷之十二節孝

三

朱羅氏殷妻年二十六夫故無子撫姪爲嗣家甚貧氏勤女紅養衰翁翁性嚴甘旨稍乏輒鞭撻隨之氏飲淚承顏無稍違見年六十三歲

孝婦

國朝

周盧氏庠生鎬妻因姑病劇割股療治姑病尋愈乾

隆二十一年給匾獎勵

府志

金江氏殿試妻性至孝姑染沈疴延八閱月醫藥不效氏割臂肉以進疾旋瘳奉養愈謹後姑至九十

九歲以壽終

沈王氏瑛妻竹山營守備夢祥女弟嘉慶九年姑病甚醫藥罔效氏齋戒禱神割肝奉食病尋愈知州秦鍾英表其門

王黃氏柱側室事親以孝聞舅病危篤氏割臂肉和藥以進舅病霍然次子朝聘舉道光庚子武鄉試孫興邦舉同治丁卯武鄉試人以為孝之報云

王崔氏宇增妻性孝謹道光十二年于歸月餘值姑病危醫言不治舉家失措氏情迫涕泣禱神割臂

續輯均州志

卷之十二

孝婦

四

肉以進姑病立起戚族稱賢孝焉

沈李氏德潤妻孝事舅姑舅患風癱數月不起病日篤氏割股以進舅立愈時道光二十年也

孫童氏菖妻事姑孝姑病甚醫藥罔效氏雪夜焚香默祝真武割股肉療之病立愈後夫見創痕詢及始知道光二十八年十一月二十五日事也

王汪氏朝才妻事姑至孝姑病劇藥罔效氏割臂肉進之姑病頓愈時在光緒二年也

孝女

國朝

杜賈氏郡廩生杜大賓之妻太學生增廓女也性淑慎篤孝行幼喜讀書女紅外輒就諸兄問字取女誠內則諸篇詳繹之悉能成誦年十七未于歸母遭厲疾薨苓罔效女禱神潛割左臂肉掌許和作羹以進母病尋愈女不言家人亦莫知後與嫂氏居見臂痕追詢始得其詳

節婦

明

續輯均州志

卷之十二

孝女節婦

五

李王氏庠生謙妻年二十餘謙歿舅姑欲奪其志氏甘貧苦守勤織紝撫幼女貞操弗渝事聞旌曰貞節

譚熊氏紀妻年二十八紀歿遺二子瓊碧家赤貧內外無依倚氏作女工撫養苦節四十餘年詔旌其門

汪褚氏庠生積學妻年二十學卒二子度三歲唐甫數月辛苦撫育守節五十年學正慎旦爲文美之榜其堂曰節壽撫治孫應鼈旌表焉

汪府志作江

汪劉氏庠生崑妻縣丞善之次女也年二十四崑卒
子暘三歲孝養舅姑成立幼子苦節三十餘年撫
治孫應鼇旌表焉

汪府志作江

以上見舊志

國朝

仇屠氏宏基妻年二十六夫歿遺子世純甫週晬氏
矢志守節養姑訓子苦節三十八年學使給匾嘉
獎

舊志

張郭氏庠生爾翰妻庠生郭宏文之女年二十一夫

續輯均州志

卷之十一

節婦

六

故氏矢志撫孤守節五十八年卒乾隆二十四年

旌

周余氏大賚妻年十九夫故氏矢志撫孤守節七十
餘年九十餘歲卒乾隆間

旌

張賀氏庠生爾職妻

余柴氏環妻

余馬氏瑛妻

秦張氏庠生德璋妻

朱沈氏夢周妻

熊張氏庠生昱妻

張陳氏易簡妻

黃林氏珍妻

朱田氏國珍妻

以上見府志

賈王氏錫齡妻年二十八夫故二子均幼氏矢志奉

舅姑撫弱息守節三十六年卒子增阜增善邑庠

生總督畢公沅以機誨楹書額獎之

賈周氏舜齡妻歲貢生周璫之女年二十夫故無子

續輯均州志

卷之十二

節婦

七

繼姪增讓為嗣氏治家勤儉持身端莊守節五十

年卒嘉慶二十四年 旌

秦袁氏廷聘妻乾隆六十年 旌

葛陳氏新周妻

羅義姐

李左氏舜妻

賈秦氏延齡妻

王羅氏廷楹妻

曾溫氏世崇妻

朱賈氏夢孔妻

周方氏鄒妻

王陳氏舒太妻

劉陳氏廷椿妻

周張氏理妻

張王氏獻典妻

漆葉氏

以上見通志

崔龐氏瓌妻年二十五夫故遺子甫六齡瑯瑯子立

續輯均州志

卷之十二

節婦

八

伯叔欲奪其志百端凌折氏恐不利於子寄養舊

姻得全似續守節六十七年卒

戴毛氏緒妻年二十一夫故僅遺一女繼姪成章為

嗣事親撫子職於婦儀於母略無遺憾卒年八十

一歲

崔劉氏得仁妻年二十二仁故遺一女貧不能育夫

族弟輔仁代養之姻舊憫其無依勸他適氏垂涕

謝絕茹蘖飲冰自甘窮阨苦節二十九年卒

殷涂氏秉恭妻年二十三夫故氏慟不欲生姑以親

老子幼大義曉之乃止矢志養姑撫孤竭力耕作
艱苦不渝卒年九十歲

龔習氏堯妻年二十八夫故紡績撫孤矢志靡他守
節六十六年卒

萇傅氏宗周妻年二十七夫故遺孤甫六歲家貧姑
老氏上事下撫備歷艱辛苦節四十六年卒

馬魏氏九墀妻年二十夫故遺子甫週歲氏食糠覈
勤紡績茹苦教子守節六十四年卒

楊仇氏正貴妻年二十七夫故氏清操自勵族中有

欲奪其志者誓以死守子如山甫三歲撫之成立
後氏失明如山善承慈訓偕婦徐怡愉養志并以
孝聞鄉閭卒年九十有六

楊魏氏對益妻年十七歸益二十一而寡矢志撫孤
性貞靜不苟訾笑益家故窘茹苦含辛歷四十餘
年不少渝六十四歲卒

孫王氏璋妻年十七于歸結褵六十餘日璋故綺年
勵節奉侍舅姑喪葬盡禮守節六十四年卒

譚羅氏振章妻年十九夫故家綦貧父兄欲奪其志

氏堅矢柏舟節孝養舅姑克全婦道守節四十二年卒

王徐氏君書妻年二十七夫故遺子甫數月氏辛苦持家撫孤成立守節四十七年卒

江錢氏題妻年二十二夫故遺子甫弱齡氏孝事尊嫜怡怡養志恩撫孤子備歷星霜幾忘茹蘖飲冰之苦卒年一百有一歲

鄭趙氏錫侯妻年二十二夫故遺孤甫六月鍼黹度日養姑撫子守節三十七年卒

續輯均州志

卷之十二 節婦

十

朱賈氏庠生彩霞妻年二十九夫故氏事祖姑舅姑孝敬無違義方訓子慈嚴兼盡學使鮑公桂星以松心荻誨額獎之守節五十六年卒子儷歲貢生劉魯氏浩妻年二十五夫故僅一女氏孝事舅姑撫夫從子爲嗣守節四十五年卒道光七年學使王公贈芳獎以節孝可風

黃賀氏全選妻年十七夫故前室遺一子甫四齡氏誓守義存孤父母憫其零丁令他適氏泣謝辭意決絕曠歸甯者凡三載勤苦終身守節六十年卒

萬李氏有年妻年二十二夫故遺子甫六歲氏矢志撫孤子子亡復撫孤孫鬢以當門卒延似續守節六十三年卒

楊周氏得新妻年二十六夫故無子家貧姑老氏力代子職矢志奉姑後依姪興國終身守節四十八年卒

廖黃氏登榜妻年二十七夫故遺二子氏知從一禮事舅姑撫孤幼歷久不渝守節六十五年卒

楊郭氏得春妻年二十三夫故一子甫三歲氏持家教子茹苦含辛守節二十七年卒

梁張氏天勤妻年二十七夫故家室薄氏矢志事衰姑撫幼子守節五十七年卒

鄒賈氏席珍妻年二十六夫故遺一女應繼無人以姪孫開甲爲嗣舅姑年逾七十氏生事盡養死事盡哀垂老家益落抑鬱以歿苦節五十四年卒嘉慶二十四年旌

張鈕氏士館妻年二十八夫故遺子僅四月家貧甚氏撫孤兒延似續耐苦全貞至老弗渝卒年八十

六歲咸豐十年旌

劉朱氏子富妻年二十二夫故一子甫九月家無恆
產倚紡車度日辛苦備嘗卒年九十一歲

江向氏懷義妻年十八歸義甫五月而夫亡撫遺腹
子成立守節五十二年卒

袁伍氏槐妻年二十一夫故事親撫子惟孝惟慈守
節五十一年卒

葛劉氏大傑妻年十九夫故無子繼姪爲嗣未幾嗣
子夭亡氏子身苦守歷久彌堅卒年八十有一

續輯均州志

卷之十二

節婦

三

秦蔣氏廷擢妻年十九夫故氏矢志撫孤守節六十
二年卒

秦郭氏第妻卽蔣氏子婦年二十一夫故無子繼姪
培先爲嗣守節六十一年卒一門雙節里黨咸欽
朱袁氏克佑妻年十八夫故嘉慶二年教匪犯境氏
被掠強挾馬上行約三里許乘間躍入池塘賊怒
槍刺未死守節五十三年卒

李吳氏正模妻年二十四夫故無子以夫弟次子承
祧守節五十年卒學使王公贈芳以女貞延世獎

之

時周氏起朝妻生子甫八月而朝歿氏年十九歲殫心鞠育守節六十八年卒

王陳氏作禮妻嘉慶二年教匪犯均禮擊賊陣亡氏年二十一襁負三歲孤奔狀元巖避難備歷艱辛撫子成立守節四十二年卒

王姚氏自修妻年二十三夫故氏誓死靡他守節四十年卒

白王氏煥宗妻年二十五夫故氏矢志撫孤守節五
續輯均州志 卷之十二 節婦 三
十三年卒

劉余氏子榮妻嘉慶二年教匪犯均榮陣亡遺二子俱襁褓氏年二十六家徒四壁立鄰人勸其他適氏痛夫殞鋒鏑守義撫孤備歷艱苦久而彌貞九十七歲卒

李孫氏文進妻嘉慶三年教匪犯均進陣亡氏年二十二越四月生一子氏痛夫慘亡誓不再適守節三十年卒

鄒杜氏武生學珍妻年二十七夫故子四歲女八月

氏矢柏舟志持家務和妯娌撫孤成立卒年四十一歲

李郭氏順母也嘉慶五年適李甫兩月值教匪變夫被害氏年十九歲矢桓釐志茹蘖守貞至道光十六年始立順爲嗣卒年八十一歲

李朱氏文瑞妻年二十四夫故子甫二歲守節撫孤始終如一卒年九十七歲

陳余氏志中妻年十九夫故無子繼姪爲嗣守節五十六年卒

續輯均州志

卷之十二

節婦

十四

鄭計氏爾思妻年二十五夫故無子繼姪爲嗣順事翁姑喪葬盡禮守節六十二年卒

王崔氏漢勳妻年二十六夫故子幼氏守節撫孤卒年九十一歲

李曹氏天瑞妻年二十歲夫故家貧子幼矢志撫孤卒年八十歲

張朱氏漢傑妻年二十七夫故家貧無子依姪鵬程終養苦節四十七年卒

袁戴氏學儒妻年二十二夫故無娶媿孤後夫弟志

儒生子甫三日即繼爲嗣氏恩勤撫育無異所生
守節四十二年卒

鄭周氏彩同妻年二十六夫故子甫五歲勵貞操撫
弱息久而不渝守節六十七年卒

王盧氏扶綱妻年二十八而孀遺孤書禮撫之成立
娶李氏越數年書禮又亡李年二十五誓與姑同
志撫孤姑婦雙節鄉閭稱焉盧守節五十五年卒
李現年六十七歲

周周氏正文妻年二十一夫故遺子甫晬家甚貧氏

續輯均州志

卷之十二

節婦

五

力謀撫育艱辛萬狀苦節四十八年卒

劉蔣氏漢文妻年二十九夫故遺一子甫五齡氏事
姑撫子操矢松筠終始不渝守節五十四年卒

劉王氏廷珍妻年二十夫故家貧紡紉自贍撫孤子
成立卒年八十有三

張秦氏獻綱妻年二十四夫故無子繼夫胞弟子爲
嗣氏奉翁姑撫嗣子守節四十五年卒

張高氏鵬昆妻年二十八夫故遺弱女二家極貧紡
績度日二女子歸後氏年益衰境益蹙依堂姪自

勉茹苦終身守節五十九年卒

吳葛氏降妻年十九夫故無子茹苦十年始繼夫兄子為嗣子性庸愚媳雙瞽氏勤苦畜之咸豐丙辰冬子禦賊陣亡長孫次孫復相繼歿孫婦俱改醮僅遺幼孫貧不能娶氏衰病無依凍餒而死苦節六十五年卒

吉王氏庠生文鳳妻年二十八夫故遺子甫齠齡氏敬事衰姑嚴教孤子志凜冰霜至老猶禮別閨門坤貞彌固守節六十一年卒同治九年 旌子維

續輯均州志 卷之十二 節婦 六

謙 恩貢生

史陳氏成諒妻年二十五夫故家貧遺子烈尚幼氏矢志靡他奉舅姑撫孤子守節五十六年卒咸豐十年 旌

史馬氏烈妻即陳氏子婦年二十六烈歿遺孤甫八月姑婦相依撫子成立守節四十三年卒咸豐十年 旌兩世苦節鄉里敬之

譚李氏正懷妻年二十夫故撫遺腹子耀忠成立守節五十六年卒

朱朱氏柄豐妻年二十四夫故無子繼姪煥勳爲嗣
撫如己出氏性寬厚寡言笑無非無儀里郇成矜
重焉卒年七十八歲同治四年 旌

文吳氏慶運妻年二十五夫故無子繼夫弟長子爲
嗣守節六十年卒

周陳氏春典妻年二十四夫故家赤貧上事瞽姑下
撫弱子日耕夜績苦節終身卒年七十七歲

陳何氏裕祿妻年二十一夫故家貧氏矢志從一事
舅姑撫遺腹子苦節五十三年卒道光二十五年

續輯均州志

卷之十二

節婦

七

旌

劉袁氏隆庠妻年二十九夫故遺子三撫之成立卒
年八十四歲

朱藍氏庠生守心繼室年二十七夫故氏事舅姑撫
弱子守節二十四年卒

張章氏廷選繼妻年二十三夫故撫前室子如己出
守節四十二年卒

陸許氏景岳妻年二十八夫故遺二子俱幼家赤貧
有以再醮勸者氏正言拒之事舅姑撫孤子苦節

四十三年卒咸豐十年旌

李崔氏富妻年十九夫故逾三日生遺腹子氏事舅姑撫孤兒守節七十年卒學使洪公鈞獎給樂妻滂母額

王馬氏鳳乾妻年二十三夫故生遺腹子家貧傭工度日養舅姑撫幼子苦節五十四年卒

吳葛氏智妻年二十一夫故無子氏誓死靡他舅姑憐之命以夫兄子永祥爲嗣守節六十二年卒

余閻氏安林妻年十九歸林甫數月而林亡無子繼續輯均州志

卷之十二

節婦

六

猶子爲嗣守節四十八年卒

陸周氏鵬舉妻年二十八夫故矢志上事尊嫜下撫弱息守節四十四年卒

蘇鄒氏璋妻年二十三夫故遺子甫三歲勤劬家計力撫藐孤守節四十三年卒

劉秦氏廷璵妻年二十九夫故事姑撫子守節五十二年卒

朱李氏煥世妻年二十五夫故無子繼夫弟煥第子爲嗣守節五十二年卒同治三年旌

羅王氏武生起賢妻年二十六夫故子紳尚幼氏上奉孀姑下撫孤子守節四十四年卒同治九年旌

徐張氏正紳妻年二十九夫故繼嗣承祧守節五十四年卒

余萬氏河汎妻年二十九夫故矢志撫孤守節五十四年八十二歲卒

程薛氏及第妻年二十六夫故無子繼姪開泰爲嗣舉道光壬辰武鄉試守節四十二年卒道光二十

續輯均州志

卷之十二

節婦

九

八年旌

陳徐氏邦璽妻年二十九夫故守節撫孤教以耕讀卒年七十九歲

童張氏廩生嗣洛妻年二十夫故生遺腹子梓氏折蓼垂訓庸克成立守節四十年卒咸豐十年旌子梓歲貢生

史秦氏廩生筭妻監生紹之女年十七歸史三十歲夫故氏事繼祖姑舅姑俱得歡心撫訓二子均列膠庠守節四十五年卒

譚彭氏天紹妻年二十四夫故遺一子甫週歲家赤貧氏矢志撫孤艱苦備嘗苦節二十四年卒

周徐氏鴻章妻年二十七夫故氏矢志靡他擇師教子繼姑病臥牀第氏侍湯藥三年弗懈守節四十七年卒

蘇秦氏珍妻年二十二夫故子恆昌甫週晬氏守先業奉孀姑撫孤幼守節四十二年卒咸豐十年旌

熊陳氏楚珩妻年二十七夫故守節氏敬事舅姑勤儉持家撫二子成立卒年六十九歲

黃陳氏顯清妻年三十夫故氏事舅姑撫孤子備盡其道卒年八十六歲

周魏氏澤洋妻年二十七夫故遺子女各一家極貧舅姑每勸再醮氏矢志不奪勤苦力作奉雙親生養歿葬曲盡婦道撫子女畢婚嫁事守節五十一
年卒

朱王氏柄莊妻年二十二夫故無子繼夫弟子爲嗣事孀姑撫嗣子惟孝惟慈守節四十五年卒咸豐

元年 旌

聶余氏桂妻年二十六夫故遺二子氏清操自矢敬事舅姑訓育孤子守節五十八年卒

龔石氏傳相妻年二十九夫故子甫齠齡氏矢志撫孤教養兼盡守節四十二年卒

劉劉氏從道妻年二十八夫故遺一子甫五歲舅姑俱衰老氏業治寢門事畜兼盡守節五十四年卒

張章氏用輔妻年三十輔故遺子僅八歲氏誓勵貞操撫子成立卒年八十歲

續輯均州志

卷之十二

節婦

三

劉彭氏家乘妻年二十五夫故氏矢志事繼姑撫雙孤守節三十一年卒同治九年 旌

秦鄒氏培厚妻年二十五夫故遺孤甫二歲氏奉姑撫子艱苦萬狀守節三十三年卒

李蔡氏維青妻年二十五夫故遺子甫四歲孀姑衰病氏勤婦職撫藐孤殫竭心力苦節自誓卒年八十三歲

朱史氏柄珪妻年二十一夫故遺藐孤二長末三齡次甫晬氏奉舅姑撫二子克盡孝慈守節五十九

年卒咸豐十一年旌

沈張氏琳妻年二十四夫故無子以夫兄璠子爲嗣
守節五十三年卒

杜梁氏傳進妻年二十九夫故姑衰子稚家無儋石
儲氏身任事畜劬勤操作集蓼終身卒年八十三
歲

呂陳氏守書妻年十八夫故子亦夭矢不再醮繼夫
弟子爲嗣氏事繼姑孝撫嗣子慈守節四十八年
卒

續輯均州志

卷之十二節婦

三

王葉氏德榮妻年三十夫故苦節自誓撫孤成立卒
年七十二歲

陳王氏中運妻年二十二夫故舅姑尋相繼歿遺夫
弟中遇甫二歲一綫微宗僅係小弱弟氏扶持保
抱動魄驚心嫂叔相依不啻母子後遇成立以長
子爲氏嗣守節五十四年卒

趙謝氏大榮妻年十九適榮二十八歲而寡矢志撫
孤始終不渝卒年八十有二

劉葉氏從禮妻年十九禮故無子繼夫兄子爲嗣守

節五十六年卒

劉李氏賢臣妻年二十五夫故氏痛不欲生舅姑諭以家貧子幼禋祀爲重氏矢志奉舅姑撫弱息守節五十二年卒

郭胡氏志文妻年二十三夫故子學奇甫三月氏撫孤成立舉辛亥科武鄉試守節五十六年卒

李張氏生榮妻年二十九夫故子甫五歲辛苦撫育娶媳孫氏事姑孝謹道光二十七年張病篤醫禱罔靈孫割股療治立愈張守節三十六年卒姑節

續輯均州志

卷之十二

節婦

三

媳孝鄉人稱之

羅徐氏占魁妻年二十五夫故遺一女貧無立錫舅姑復衰老氏佃種山地晝耕夜績竭力終養鄉人競以孝稱之後繼族姪承嗣苦節五十年卒同治

十三年 旌

胡王氏文彩妻年二十七夫故無子撫夫姪爲嗣卒年六十九歲子輝林邑庠生

尉遲羅氏清漣妻年十五夫故無子誓不再醮撫猶子璋爲嗣教養有方得補弟子員守節四十六年

卒

魏王氏正常妻年三十夫故甘貧撫孤爲之完娶生一孫而子亡氏率孀婦撫弱孫勤苦操作至老不倦卒年七十有九

羅桂氏錦璋妻年二十六夫故遺子女各一家極貧攜依母家撫子成立守節五十二年卒

胡蘇氏文燿妻年二十三夫故姑老子幼矢志靡他守節三十五年卒

單李氏學詩妻年二十八夫故子甫三齡家清貧氏續輯均州志

卷之十二 節婦

一語

事衰姑撫幼子奉養劬育苦不勝言卒年六十八歲

張羅氏純寬妻年二十四夫故撫子完婚子又逝氏紡績撫孫苦節五十二年卒

李蔡氏步青妻年二十九夫故守節二十八年五十六歲卒

劉陳氏燦蒸妻年二十二夫故無子繼夫兄子保忠爲嗣貞靜寡言不出閨門守節四十八年卒

陳丁氏庠生槐妻年三十夫故事尊嫜撫弱子守節

五十二年卒

陳張氏棣妻年二十九夫故事畜惟勤克遵七戒守節三十五年卒

朱楊氏价妻年二十夫故氏矢志守節孝事孀姑慈撫幼子苦節四十二年卒

郭汪氏志和妻年二十六夫故氏奉養舅姑力全貞孝守節三十三年卒

朱王氏煥甲妻年二十八夫故無子繼夫弟煥義子爲嗣守節二十四年卒同治三年旌

續輯均州志

卷之十二

節婦

三

徐江氏發桂妻年二十三夫故無子繼夫兄次子不名爲嗣卒年八十五歲

王劉氏玉盤妻年二十四夫故子甫月餘矢志撫孤守節三十六年卒同治九年旌

田常氏永春妻年十九生子甫六月而夫故矢志苦守卒年五十五歲

習呂氏箴妻年二十夫故遺子未及晬氏誓不再適撫孤成立守節四十七年卒

陳蘇氏愾妻年二十三夫故遺一子僅數月家極貧

氏勤苦力作養姑撫子守節四十三年卒

鄒江氏開科妻年二十一夫故無子繼夫兄子爲嗣
守節四十二年卒

魏張氏庠生殿掄妻年二十八夫故無子撫姪以延
夫祀孝事舅姑恩育嗣子守節四十一年卒

劉程氏庠生灼文繼室年二十九夫故生子甫七歲
前室遺子一女四氏教養如己出嗣前子亡氏善
視孀媳一門和睦守節二十四年卒

李戴氏萬邦妻邦貧不能營婚禮氏年二十六始賦

續輯均州志

卷之十二 節婦

美

于歸甫二載夫故無子氏爲夫第授室生子嗣爲
己子苦節三十八年卒

楊孫氏芳林妻年二十七夫故無子繼夫姪爲嗣守
節十九年卒

譚陳氏耀中妻年二十七夫故無子繼姪爲嗣氏事
祖姑叔姑曲盡其禮守節四十一年卒

劉李氏正註妻年二十八夫故遺子二守節三十三
年六十一歲卒

侯羅氏建文妻年二十九夫故越九日生遺腹子家

赤貧舅姑衰老氏耕耨樵蘇殫心事畜苦節三十年卒

朱文氏明升妻年二十八夫故無子僅有傍山地畝許氏勤苦力作贍養舅姑苦節二十四年卒

喬陳氏宗聖妻年二十七夫故僅遺女三氏矢冰操奉舅姑後繼夫第子爲嗣守節二十七年卒

王蘇氏培晉妻年十九夫故無子繼夫伯兄次子燿爲嗣守節十七年卒同治四年旌

殷袁氏武生德亮妻年二十八夫故無子繼夫長兄

續輯均州志

卷之十二 節婦

三

次子爲嗣守節三十一年卒

劉陳氏定邦妻年二十一夫故一子甫八月守節三十年卒

羅劉氏子林妻年十九夫故遺腹四月生子氏孝事孀姑撫子成立守節二十四年卒

黃陶氏振富妻年十九夫故子甫二歲氏勵貞操事舅姑撫孤幼守節二十三年卒

朱江氏廩生僕妻年二十四夫故無子繼姪孔榮爲嗣鞠育逾所生授室數年而榮歿與子婦蔡氏嫠

居相守幽憂衰病孤苦零丁聞者咸增太息見年九十歲同治五年 旌

朱蔡氏孔榮妻年二十五夫故無子應繼愛繼胥乏人氏賦性勤明竭力操作姑江氏病卧牀褥氏扶持侍養歷十餘年無稍懈一門雙鰥相依爲命見年六十九歲同治五年 旌

向丁氏開璞妻年二十一夫故無子繼猶子爲嗣見年八十六歲咸豐十年 旌

童沈氏庠生嗣瀛妻年二十一夫故子桂甫週晬氏續輯均州志 卷之十二 節婦 三
以養以教得蚤補笈子員無何桂卒乏息以姪梓長子爲桂嗣見年八十六歲咸豐十年 旌

童習氏庠生桂妻卽沈氏子婦年二十六桂歿氏孝事孀姑恩撫嗣子守節二十七年卒

徐王氏印陞妻年十五于歸十九歲夫故撫子守節見年八十二歲同治九年 旌

楊姚氏天申妻年二十二夫故僅一女氏哀毀躄踊誓以身殉舅姑揮淚慰止命以夫兄天成子爲嗣甫二歲撫之成立見年八十五歲

張秦氏懷緒妻年二十二夫故遺子甫週歲氏矢志撫孤甘貧如飴見年八十四歲

楊蔣氏得貴妻年二十一夫故無子撫姪以承夫祀見年八十二歲

饒余氏錦國妻年十八夫故子甫八月舅姑在堂氏承顏順志數十年如一日泊子亡垂老撫孫以存饒氏見年七十六歲

陳王氏武生應達妻年二十六達卒無子繼夫弟子爲嗣甫月餘撫之成立姑性剛氏曲盡孝養姑亦

續輯均州志

卷之十二

節婦

无

格而爲慈見年八十六歲

劉齊氏邦禮妻年二十五夫故逾兩月生遺腹子孀姑在堂氏力謀事畜備歷艱辛見年八十五歲

溫潘氏開先妻年二十八夫故無子家赤貧氏鍼黹紡織自食糠覈甘旨奉姑見年七十八歲

戴鄒氏庠生治妻年二十七夫故子甫數歲氏矢志守貞端莊靜默至老如故撫子萃教寓折蓼卒獲

成立見年八十六歲咸豐十年 旌

葉張氏光符妻年二十夫故無子以夫季弟子兼祧

兩宗氏矢貞操偕弟娣同心鞠育見年七十九歲

同治三年 旌

呂劉氏永浩妻年三十夫故一子甫三月矢志守節
見年八十八歲

黎鄒氏邦安妻年二十夫故無子繼夫兄次子爲嗣
見年七十八歲

彭杜氏貴林妻年二十二夫故子僅四月家故貧苦
節自矢事孀姑以孝聞撫孤子成立見年七十八
歲

續輯均州志

卷之十二 節婦

三

李鄒氏上玉妻年二十九夫故氏奉姑撫子紡績度
日見年八十四歲

鄭盛氏建孝妻年二十二夫故子二皆幼氏事祖若
翁孝養維謹歷久弗衰見年七十七歲

宦羅氏明妻年十七歸明甫一載而明歿家赤貧氏
甘之如飴誓不更適有富家子謀娶之屢遣蹇修
誘以金翠綺羅之榮氏泣且恚曰吾但知食糠粃
結鶉衣爲故夫守義毋貽母家羞其榮多矣金翠
綺羅吾視之直糞土耳厲聲謝絕獨與長妯相依

勤女工自活後撫襁褓姪宗貴爲嗣見年七十二歲

范張氏宏經妻年二十五夫故子幼上事舅姑下撫弱息見年七十九歲

歐陽潘氏恂妻年十八恂故無子繼姪爲嗣見年七十二歲

熊孔氏崇智妻年二十四夫故遺子甫八月舅姑尋相繼逝氏喪葬盡禮撫孤子學助成立見年七十九歲

續輯均州志

卷之十二

節婦

三

周郭氏根卽妻年二十八夫故一子幼矢志自守備極艱辛見年八十一歲

孫劉氏純學妻年二十七夫故遺子甫齟齬貞操自矢見年七十九歲子光前舉咸豐己未科武鄉試同治十一年旌

李高氏永吉妻年二十七夫故一子甫三歲氏晝耕夜績甘貧撫孤見年七十八歲

陳喬氏中道妻年二十四夫故子甫四歲誓不再適見年七十五歲

張陳氏連科妻年二十六夫故子甫晬家赤貧翁躋
姑瞽氏力耕侍養撫孤成立見年七十六歲

劉龐氏弼臣妻年二十九夫故逾月生遺腹子矢節
撫之見年七十九歲

鍾權氏靈傑妻年二十九夫故遺子七歲舅姑衰老
氏奉養惟謹撫育弱孤成立見年七十九歲

周呂氏琢瑞妻年二十五瑞卒一子幼氏守節撫孤
見年七十五歲

盧柳氏開學繼妻年二十四夫故撫前室子兆猷娶
續輯均州志

卷之十二

節婦

三

媳張氏而猷亡張時年二十三無子繼夫兄子爲
嗣姑媳相依茹苦撫孤柳見年七十三歲張見年
五十七歲蓋兩世雙節云

袁龐氏天全妻年二十九夫故守節繼姪邦印以續
夫祀未幾印卒無子復撫姪孫作述承印嗣見年
七十八歲

盧鄭氏開訓妻年二十八夫故僅遺一子見年七十
六歲

袁向氏惠繼妻嘉慶十八年于歸前室遺子甫三歲

氏撫如己出生一女而惠歿時年二十五善事衰翁喪葬盡禮見年七十二歲

計蔡氏學武妻年二十二夫故無子繼姪輝廷爲嗣氏教養備至恩逾所生見年六十八歲輝廷舉同治甲子科武鄉試

周王氏治岐妻年二十五夫故子二齒俱稚家貧甚自啜藜藿恆隨月紡績爲舅姑謀甘腍見年六十九歲

葉賀氏光策妻年二十一策卒遺腹生子見年六十五歲

續輯均州志

卷之十二

節婦

三

張鄭氏繼孟妻年二十九夫故家貧子幼以柏舟自誓性勤儉晝耕夜績操作良苦見年七十二歲

王權氏友仁妻年二十一夫故無子繼夫弟子爲嗣見年六十四歲

胡彭氏宗貴妻年三十夫故家貧矢不改適見年七十歲

何史氏輝妻年二十七輝故家貧子幼氏晝夜操作辛苦撫養見年六十六歲

鄭莫氏明科妻年二十七夫故遺子尙幼家素貧氏
上事衰姑甘旨滫瀡皆自拮据中來見年六十六
歲

李王氏文典妻年二十夫故一子甫週歲家故貧姑
衰老氏日耕夜紡養姑撫幼見年五十八歲

彭趙氏秀林妻年二十三夫故守節撫孤見年六十
歲

張王氏丕良妻年二十七夫故遺二子勤苦撫育至
於成立見年六十四歲

續輯均州志

卷之十二

節婦

三

朱王氏煥成妻年二十九夫故二子俱幼貞操自矢
見年六十五歲同治八年 旌

陳文氏安財妻年二十五夫故遺子二長二歲次彌
月氏幾欲身殉舅姑以夫仲兄乏嗣命次子承祧
復曉以兩祀攸關綦重始茹痛偷生奉雙親撫藐
孤咸盡其道見年六十一歲

向李氏開來妻道光三十年氏年二十三來故一子
幼氏矢不再適撫孤持家見年五十六歲

江李氏興妻年二十九夫故遺一子勤苦操作以撫

藐孤見年六十三歲

徐沈氏丕承妻年二十六夫故一子幼誓不再適見年五十九歲

陳李氏兆祥妻年二十六夫故守節撫孤見年五十九歲

王杜氏庠生待聘妻年二十五聘故遺孤尙在襁褓氏撫育教誨慈嚴兼盡善持家經紀內外井井然有鍾禮郝法遺風見年五十七歲光緒八年旌子道立邑庠生

續輯均州志

卷之十二 節婦

三

蘇丁氏珙妻訓導丁煇女年二十八夫故遺子四其季遺腹生氏矢志撫訓敬事舅姑見年五十九歲子兆眉兆泉孫涵俱邑庠生

鄭李氏明章妻年二十二子甫晬而夫故時姑老嫠居朝夕奉養能得歡心子稍長教以耕織若嚴父見年五十四歲

柯魯氏大中妻年二十三生一女而夫亡撫族姪爲嗣紡績養姑後姑歿喪葬盡禮見年五十四歲

盧趙氏兆瑞妻年二十三瑞故無子撫夫弟子爲嗣

見年五十三歲

毛劉氏年二十七夫故上事衰姑下撫弱息孝慈兼盡見年七十二歲

向艾氏開鄉妻年二十七開鄉故子數歲氏柏舟自矢操作辛勤事老翁奉繼姑撫孤子睦妯娌族黨咸欽敬焉見年七十六歲

程盧氏映先妻年二十八夫故無子繼夫堂兄子爲嗣矢志苦守見年七十四歲

沈余氏炯妻年十七于歸二十九歲夫故子甫週歲續輯均州志卷之十二節婦 三

氏矢志守義家貧甚鍼黹度日奉翁姑撫子見年六十五歲

黃劉氏連理妻年十九夫故無子矢志奉親代供子職見年五十六歲

陳童氏懌妻年十八夫故無子繼夫兄子爲嗣見年五十二歲

補遺

向馬氏庠生志學妻年三十夫故氏冰操自矢上事老翁承順盡禮下撫兩子青年成名孫曾林立五

世同堂守節六十五年卒

趙熊氏德茂妻年二十六夫故孀居矢不改適守節七十二年九十七歲卒

趙邱氏申妻年二十一夫故矢志守節六十九歲卒計守節四十八年

張黃氏永興妻年二十一夫故無子繼夫堂兄子爲嗣守節六十二年卒道光三十年 旌

張王氏自強妻年十七于歸三十歲夫故遺二子俱幼氏事親撫孤以嚴以慈守節四十八年卒

續輯均州志

卷之十二

節婦

三

朱蘇氏方典妻年十七于歸道光十二年夫故氏年二十五子甫三歲房產盡被水冲氏矢志苦守上事孀姑下育孤子紡績度日姑故竭力營葬同治十三年冬年六十七歲以凍餓死守節四十三年向蔡氏玉成妻同治八年七月姑謝氏年老病篤舉家皆以爲無救氏促夫外出預謀殮資乘間以刀割左臂肉寸許同藥煮之飲姑病尋愈

烈婦

國朝

魏袁氏庠生任遠妻庠生應甲女崇正十六年闖賊陷城同一小姑投曾河死乃其翁魏茂功長女也尚有次女未克出城賊急自刎於家姑嫂稱完節者三焉

朱李氏維綱妻住隱深山聞流寇犯均自焚完節

周白氏禧妻禧居與營卒比隣偶外出卒持匕首入室逼之氏叫呼拒卒奪其隻履而走氏號哭達旦曰吾履豈可入強奴手耶以死自誓隣嫗咸勸慰之且爲索還其履氏得履懷利刃至卒家自刎事

續輯均州志

卷之十二

烈婦

三六

聞當事置卒於法康熙三十三年 旌

胡許氏廷聘妻順治四年王賊叛鄖起營氏不從投水死順治十二年 旌

以上見舊志

申周氏仕鴻妻嘉慶二年教匪犯均鴻禦敵陣亡氏攜子女匿避仙人峯巖洞賊憾仕鴻甚蹤跡氏所在欲偪辱之母女墜巖死氏年三十有五女十四歲

魏朱氏先秀妻魏張氏先魁妻嘉慶五年教匪犯均

娣姒相偕奔避突遇賊奪朱氏抱中兒擲棄荆棘間威逼之氏忿詈張亦如之遂同時被殺

蔣汪氏朝棟妻嘉慶五年教匪犯均氏走避遇賊懼污投野塘死

王武氏國祥妻年十九夫故哀痛幾絕誓以身殉舅姑憫之令家人防慰得間潛詣夫墓縊於樹

歐程氏得中妻咸豐六年十一月紅巾竄均氏走避至江家溝遇賊懼污投塘死時年二十六歲

蔡羅氏文青妻咸豐丙辰冬紅巾賊至氏負小兒女

續輯均州志

卷之十二

烈婦

三九

逃避猝遇賊懼爲強暴污俱赴水死時年四十歲

呂厲氏守訓妻咸豐六年十一月紅巾犯境氏恐賊辱自縊完節時年三十六歲

饒史氏永泰妻咸豐六年十一月賊逼近懼污赴水死時年二十一歲

張李氏慶琦妻咸豐七年春紅巾賊至蒿坪琦伍鄉勇戰潰賊逼近氏恐受污投井死時年三十歲

任王氏四海妻咸豐七年二月在蒿坪村遇賊畏逼投井死時年二十歲

殷尉氏邦平妻年十九夫故氏晨夕悲號絕粒而死
歐許氏得貴妻同治元年髮逆至攜子女隨夫走避
突遇賊貴持鎗迎擊不中遂被殺氏大罵以石擊
賊賊刃之其子亦被害小女面受七創至今傷痕
猶存

楊陳氏光慶妻同治三年春髮逆入境氏懼污自縊
時年二十歲

江張氏應宗妻年二十七夫故誓不欲生姊妹慰藉
之防護稍間竟飲鴆卒距夫歿二十七日

續輯均州志

卷之十二

烈婦

四

溫劉氏榮訓妻年二十七訓故遺子女各一氏葬夫
歸閉戶仰藥死

賈劉氏華祖妻年二十二夫故氏當欲身殉舅姑力
阻嚴防始止越三載舅姑相繼逝氏詣夫墓前號
哭歸家仰藥死

烈女

明

劉姑萬福女許字沈氏子年十七未嫁沈子天亡女

聞自縊事聞令合葬州南礮山

舊志

國朝

程大女履乾女嘉慶二年教匪犯境掠女偕行堅不從且唾詈之賊怒甚亂刃交揮創重而死時年十七歲

楊姑光祖次女也年十九未嫁同治三年春髮逆入境女遇賊不從被殺

王跟香秀次女也生而貞慧守女箴同治三年春髮逆自漢中繞河南竄楚梁觀察作楫率勇數千人亦自漢中遙追過均營州南草店鎮作六月息弛

續輯均州志

卷之十二

烈女

四

樵蘇之禁墓木園林徧縱尋斧環營數十里濯濯也遠邇繹騷無虛日會中元營勇多薄醉執冰而遊過秀門值秀夫婦出耘窺跟香在室豔之二輩袒而入迫爲具酒食意媒褻女機神素定給之曰我爲若作湯餅若爲我速執炊勇喜甚一人趨煬竈一人踞室中坐瞰女操刀杖游詞互投少頃釜中水沸勇方俯頸拾薪女乘間遽潑以沸湯勇愕痛大呼復連潑之已潰頭顱髮簌簌落矣其一懲沸羹倉卒先逃被傷者亦踉蹌去日夕秀夫婦歸

女縷訴各狀且泣曰女以閨中潔質遭游勇戲謔
辱甚矣義不可復生秀夫婦好言慰之訖無語中
夜竟雉經死時年十七歲

秦玉蘭培元女幼字同城張氏子年十七未嫁聞壻
服毒蘭遂入室服毒絕意殉亡迨壻救甦而蘭救
已無及矣鄉鄰哀之上其事於州同治八年旌

殉難附

張羅氏

張瑤大

張劉氏

張何氏

張柯氏

張羅氏

張岳氏

張巧大

董王氏

董秀大

張劉氏

王趙氏

王桂大

張孫氏

張榮大

王申氏

吳姜氏

吳羅氏

趙劉氏

王李氏

王彭氏

王劉氏

王天大

莫田氏

續輯均州志

卷之十二

殉難

三

莫饒氏

莫翠大

張羅氏

羅劉氏

羅王氏

王張氏

王羅氏

李周氏

李黃氏

李王氏

李翠大

李興大

李全大

朱李氏

許郭氏

張徐氏

以上嘉慶二年殉難婦女嘉慶五年 旌見通志

陳凌氏書妻咸豐七年在蒿坪殉難時年九十六歲

陳張氏文書妻咸豐七年遇賊被殺時年三十二歲

李女朱明禮養媳咸豐七年罵賊遇害時年十四歲

陳李氏國武妻

胡李氏安印妻

胡張氏曰良妻

胡曹氏曰恭妻

以上同治元年州東北隱鳳溝殉難

壽婦

江錢氏

題妻年百有一歲

李朱氏

文瑞妻年九十七歲

史杜氏

武生成功妻年九十五歲

張李氏

監生崇仁母年九十五歲

朱戴氏

庠生鳳來妻年九十四歲

張習氏

大用妻年九十三歲

向馬氏

庠生志學妻年九十五歲

蘇史氏

監生永昌母年九十二歲

薛譚氏

正有妻見年九十七歲

朱鄒氏

廩生佃妻見年九十六歲親見七代

王武氏

志珍妻見年九十五歲

魏王氏

監生先魁繼妻見年九十一歲

以上五世同堂

呂張氏

金音妻年百有四歲乾隆二年

旌鄭孔氏

德龍妻年百有二歲

續輯均州志

卷之十二

壽婦

三

焦楊氏

漢霖母年百有二歲

陳韋氏

有堂母年百有二歲

朱周氏

國賢妻年百歲

金戴氏

殿試母年九十九歲

王楊氏

章妻年九十八歲

李姚氏

靈泰母年九十八歲

劉余氏

子榮妻年九十七歲

陳凌氏

書妻年九十六歲

楊仇氏

正貴妻年九十六歲

陳蔣氏

定國妻年九十六歲

胡黃氏

思友母年九十六歲

朱余氏

文康妻年九十六歲

焦張氏

武生漢琦妻年九十六歲

范陳氏

朝珠妻年九十五歲

陳何氏

庠生安民母年九十四歲

龔習氏

堯妻年九十三歲

陳任氏

歲貢生興邦妻年九十三歲

吉鄒氏

廷珍妻年九十三歲

袁辭氏

有璧妻年九十三歲

張趙氏

玉倚母年九十三歲

鄭周氏

彩同妻年九十二歲

朱袁氏

庠生草生妻年九十二歲

劉王氏

見錚妻年九十二歲

陳趙氏

安邦母年九十二歲

黃熊氏

光達妻年九十二歲

胡馮氏

天富妻年九十二歲

丁謝氏

元宰妻年九十一歲

崔龐氏

瑗妻年九十一歲

劉朱氏

子富妻年九十一歲

王崔氏

漢勳妻年九十一歲

廖黃氏

登榜妻年九十一歲

朱賈氏

歲貢生俱妻年九十一歲

謝焦氏

萬清妻年九十一歲

王文氏

連母年九十一歲

王李氏

拔貢生溥母年九十一歲

李劉氏

文華妻年九十一歲

續輯均州志

卷之十二

壽婦

吳

李劉氏

祚瓊母年九十一歲

周余氏

庠生大賚妻年九十一歲

殷涂氏

秉恭妻年九十歲

梁劉氏

志誥繼妻年九十歲

朱陳氏

璋霞妻年九十歲

朱袁氏

鎮妻見年九十九歲

周李氏

聚隆母見年九十歲

姚涂氏

應元妻見年九十歲

朱黑氏

烈妻見年九十五歲

張馬氏

榮遠母見年九十歲

崔龐氏

文炳妻見年九十歲

李張氏

忠發母見年九十歲

朱江氏

廩生俱妻見年九十歲

趙熊氏

德茂妻年九十七歲